



Centro Nacional Chega!.P

Da Memória à Esperança



KOMUNIKADU IMPRENSA

Centro Chega!.P Asina Nota Entendementu Ho ASSEPPOL Hametin Parseria

Dili, (21 Feveiriu 2025) - Centro Nacional Chega!.P asina Nota Entendementu ka *Memorandum of Understanding (MoU)* ho Asosiasaun Eis Prizoneiru Polítiku (ASSEPPOL) hodi hametin parseria. Atividade ne'e realiza iha salau GAO-CC, Antigo Comarca Balide-Dili.

Objetivu husi nota entendementu ne'e mak atu Servisu hamutuk ba fortalesementu institusionál (dezenvolve kapasidade organizasaun), apoia implementasaun atividade sira hanesan: implementasaun atividade komemorasaun eventu/loron istóriku, organiza rede advokasia ba sobrevivente iha nasional no munisípiu, rejistu nomós prezersaun memória eis prizioneiru sira nian, hakbiit ekonomia eis prizioneiru polítiku sira nian hodi hola parte suporta no hametin ekonomia nasional, ne'ebé haktuir rekomendasaun Chega! no Per Memoriam Ad Spem! relasiona ho knar Solidariedade ba eis prizioneiru polítiku sira nian, inklui atendementu seluk ne'ebé dignu ba eis Prizioneiru sira.

Prinsípiu fundamentál ba estabelesimentu kooperasaun servisu nian bazeia ba dignifikasaun, promove valór no espíritu rezisténsia, solidaria no servisu hamutuk ho eis prizioneiru polítiku no desenvolve rede kooperasaun servisu ho entidade sira ne'ebé hatúr ho rekoñesementu ba ema, família no comunidade ne'ebé nu'udar Eis Prizioneiru Polítiku (Patriota) ba libertasaun Timor-Leste, hodi hetan tulun adekuadu ba sira nia moris ho nune'e sira bele partisipa di'ak iha desenvolvimentu nasional.

Selebrasaun nota entendementu ne'e, hodi hatan ba Planu Anuál Centro Chega! tinan 2025 ho Programa, Combatente da Libertação Nacional, Subprograma, Serviço Advocacia no Atividade Fortalecimento de Associação de Vítimas no Instituição da Resistência, iha ne'ebé hatúr iha Programa Governu Konstitusionál da-sia (IX), deskreve katak Governu sei kontinua apoiu Centro Chega! I.P nia programa ho nia iniciativa sira hodi fó apoiu asisténsia ba Eis Prizioneiru polítiku vulneravel liu sira (Patriota Funu) no promove rekonsiliaun ba Paz no Dame iha nivel komunitária, nasional no internasionál nu'udár implementasaun formal ba rekomendasaun Chega! no PMAS nian.

Iha tinan 2018, Centro Nacional Chega! I.P. hala’o ona atividade lubuk ida husi implementasaun rekomendasaun Chega! no Per Memoriam Ad Spem (PMAS), espesífiku iha área solidariedade ba sobrevivente, hanesan: Programa formasaun ba grupu no sobrevivente, reunifikasaun labarik lakon, fortalesimentu ba Organizaun Sobrevivente sira, apoiu Akonselamentu ba Sobrevivente, Komemorasaun Eventu Istóriu, Apoiu Pontuál ba Sobrevivente ne’ebé husi Ministériu Solidariedade Sosiál no Inkluziun (MSSI), Apoiu Saúde Fiziku no Mentál husi Ministériu Saúde, Estabelese Baze de Dadus ba Sobrevivente, Apoiu Asisténsia Umanitária, harii Uma Memória ba Esperansa ba Sobrevivente kolabora ho Asosiasaun Vítima Konflitu Polítiku 1974-1999, Estabelesimentu polítika Reparasaun Nasionál nian nomos Grupu Tráballu prepara Lei ba Reparasaun Nasionál.

Entertantu, nota entendementu ida ne’e validu durante tinan tolu (3), no téknikamente sei hahú implementa iha fulan Marsu 2025 to’o Dezembru 2027.

- Remata -

Ba informasaun liu tan kontaktu:

Raimundo Sarmiento Fraga

Ofisiál Média no Komunikasaun

Email: rsfraga@centrochega.gov.tl

Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri’ik nu’udar institutu públiku ida ne’ebé estabelese ho dekretu Lei n.º 48/2016. Centro Chega! I.P nia vizaun mak: “Sosiedade ida ne’ebé inkluzivu, la repete istória pasadu nian, moris iha dame, no respeitu ba direitus umanu”. Nia misaun mak: “Harii sentru Pós-konflitu ne’ebé prezerva memória pasadu nian hodi promove direitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatóriu Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memoriam Ad Spem*, sira ne’ebé relevante”.